

Broj: 03-04-228-1/23
Sarajevo, 20.04.2023. godine

PARLAMENT FEDERACIJE BOSNE I HERCEGOVINE

Zastupnički dom

n/p gosp. Ivanu Miličeviću, tajniku
n/p gosp. Sanelu Kajanu, zastupniku

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 17 4 -04- 2023			
Broj	Broj	Priloga	Vrijednost
05/1	- 02 -	109	123

Predmet: Odgovor na zastupničko pitanje

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi sa člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH", br: 69/07, 2/08 i 26/20), u pravitku Vam dostavljam akt Federalnog ministarstva okoliša i turizma, broj: 07/1-19-8-220/23ABMI od 17. travnja 2023. godine, koji se odnosi na zastupničko pitanje zastupnika Sanela Kajana.

S poštovanjem,



Privitak: kao u tekstu

Broj: 07/1-19-8-220/23ABMI
Sarajevo, 17.04.2023. godine

Bosna i Hercegovina
Federacije Bosne i Hercegovine
Vlada
Hamdije Čemerlića 2
71 000 Sarajevo

BOSNA I HERCEGOVINA
FEDERACIJA BOSNE I HERCEGOVINE
V L A D A
Sarajevo

PRIMLJENO: 19.04.2023			
Organizaciona jedinica	Klasifikaciona oznaka	Radni broj	Broj priloga
03	04	228	1/2023

Predmet: Odgovor na zastupničko pitanje zastupnika Sanel Kajan – dostavlja se;

Veza: vaš akt broj: 03-04-228/2023 od 27.03.2023. godine

Dana 24. marta 2023. godine zastupnik Sanel Kajan u Zastupničkom domu Parlamenta Federacije Bosne i Hercegovine je Vladi Federacije Bosne i Hercegovine uputio pitanje u pisanoj formi, broj: 05/1-02-109/23. **Zastupničko pitanje glasi: „Kada će Federacija BiH donijeti konačnu zabranu proizvodnje i upotrebe plastičnih kesa tj. jednokratne plastike“?**

Federalno ministarstvo okoliša i turizma na osnovu zastupničkog pitanja zastupnika Sanela Kajana daje sljedeći odgovor.

Segment upravljanja plastičnim otpadom u Federaciji BiH je regulisan kroz Pravilnik o upravljanju ambalažom i ambalažnim otpadom („Službene novine Federacije BiH“, br. 27/23).

Naime, odredbe ovog Pravilnika odnose se na svu ambalažu koja se proizvodi, odnosno stavlja na tržište, uvezenu ambalažu i sav ambalažni otpad koji je nastao u industriji, zanatstvu, maloprodaji, uslužnim i drugim djelatnostima, u domaćinstvima bez obzira na njegovo porijeklo, upotrebu i korišteni ambalažni materijal.

Obveznici plaćanja naknada za upravljanje ambalažnim otpadom su svi oni koji vrše uvoz, proizvodnju, pakovanje/prepakivanje i prvi plasman robe upakovane u ambalažu.

Naknada za upravljanje ambalažnim otpadom se plaća operaterima sistema kojih na prostoru Federacije BiH ima dva i to Ekopak d.o.o. Sarajevo i Eko život d.o.o. Tuzla. U slučaju da obveznici ne prenesu obavezu upravljanja ambalažnim otpadom na jednog od operatera sistema i ne plate naknadu, dužni su svoju obavezu izvršiti putem Fonda za zaštitu okoliša Federacije BiH.

Operater sistema upravljanja ambalažnim otpadom je pravno lice, koje se bavi aktivnostima upravljanja ambalažnim otpadom i na čije ime se izdaje dozvola za upravljanje ambalažnim otpadom.

Pravilnikom se propisuju opšti kao i specifični ciljevi. Opšti cilj je ukupni minimalni procenat ambalaže koji se mora reciklirati u predmetnoj godini. Opšti cilj za 2023. je 37%, dok specifični cilj za plastiku iznosi 17%.

Federalno ministarstvo okoliša i turizma je 2014. godine donijelo Uredbu o naknadama za plastične kese tregerice kojom je uvedena naknada za plastične kese tregerice, čija debljina stijenke ne prelazi 20 mikrona i koje odbačene onečišćuju okoliš. Dok je u Republici Srpskoj tek 2020. godine regulisana ova naknada.

Nadalje, u Federaciji BiH je bila pripremljena nova Uredba o naknadama za plastične kese koja je obuhvatala kese debljine stjenke do 50 mikrona i odnosila se na sve kese bez obzira na veličinu i oblik ručki, čime su obuhvaćene i kese koje se daju potrošačima u apotekama, u prodavnicama cipela, kese u koje se vaga i pakuje povrće, kese u pekarama, trgovinama, itd. Udruženje poslodavaca Federacije BiH preko Ekonomsko - socijalnog vijeća Federacije BiH je zahtijevalo od ministarstva da se takav tekst uredbe ne usvaja prije nego što se razmotre dobre prakse u okruženju i izvrši harmonizacija propisa sa entitetom R Srpskom.

Donošenje odluke o zabrani proizvodnje i upotrebe plastičnih kesa je moguće samo ako bi takvu odluku usaglasila oba entiteta, u protivnom ona ne bi bila provodiva ako bi u jednom entitetu važila jedna pravila, a u drugom druga, jer se BiH posmatra kao jedinstveno tržište. Donošenjem jednostrane odluke jednog entiteta u odnosu na drugi bi se doveli u nepovoljan položaj privredni subjekti tog entiteta u odnosu na privredne subjekte drugog entiteta.

Kako su ova pitanja jako osjetljiva jer se mora posmatrati tržište cijele države, posebno se mora voditi računa o usaglašavanju predloženih rješenja sa Republikom Srpskom te da ista pravila važe na teritorije cijele države.

Federalno ministarstvo okoliša i turizma inezivno traga ka rješenjima koja će dovesti do potpune zabrane upotrebe plastičnih kesa tj. jednokratne plastike, a sve u skladu sa najboljim svjetskim trendovima i praksama, a koja bi uslovno važila na području cijele Bosne i Hercegovine.

Dostaviti:

- imenovanom
- arhivi

